

Notat til politisk drøfting

Dette notatet løftar to problemstillingar til politisk drøfting:

1. Erverv av Mongstad kai
2. Alver kommune si framtid i Bergen Havn AS

Bakgrunn

Administrasjonane i Bergen kommune og Øygarden kommune kom før sommaren til semje om innhaldet i avtalar som legg til rette for flytting av godshamna til Ågotnes og endringar i eigarskapen i Bergen Havn AS og Bergen Havn Ågotnes.

I lys av dei endringane som no skjer i Bergen Havn AS, er det naturleg at Alver kommune startar ei drøfting om kommunen si framtidige rolle i selskapet.

Samtidig står det framleis att ei uløyst sak mellom Alver kommune og Bergen kommune knytt til intensjonsavtalen frå 2016, der føresetnaden var at Alver kommune og Bergen Havn AS skulle overta eigarskapen i Mongstad kai AS.

I intensjonsavtalen frå 2016 heiter det:

«Ved avviklingen av BOH overføres eierskapet til Mongstad kai fra BOH til et nytt aksjeselskap («Mongstad kai AS»). Lindås kommune skal eie 65 % og Havneselskapet AS skal eie 35 % av aksjene i Mongstad kai AS. Styret i Mongstad kai AS skal bestå av 3 personer. Det inngås en aksjonæravtale som gir Lindås kommune rett til å utpeke to av styrets medlemmer og Havneselskapet AS rett til å utpeke ett styremedlem. Havneselskapet AS skal stå for driften av Mongstad kai AS, og det skal inngås en driftsavtale på markedsmessige vilkår. Mongstad kai AS skal ikke kunne utøve virksomhet som må anses som konkurrerende i forhold til Havneselskapet AS.»

1. Erverv av Mongstad kai

Alver kommune har sidan 2016 hatt drøftingar med Bergen kommune om overtaking av Mongstad kai, utan at partane har kome til semje. Usemja har i hovudsak vore knytt til spørsmålet om vederlag for kaien. Alver kommune har lagt til grunn at intensjonen i avtalen var at eigarskapen skulle overførast utan vederlag, medan Bergen kommune har hatt eit anna syn på dette spørsmålet.

Intensjonsavtalen frå 2016 regulerer eigarskap og organisering, men seier ikkje uttrykkeleg noko om pris eller vederlag ved overdraging.

Dette gjer at Alver kommune må ta stilling til korleis ein skal følgje opp saka vidare. Eit sentralt spørsmål er om kommunen framleis skal arbeide for å få gjennomført intensjonen om overtaking, og eventuelt på kva vilkår og til kva pris.

2. Alver kommune si framtid i Bergen Havn AS

Dei varsla endringane i Bergen Havn AS gjer det naturleg å vurdere kva rolle Alver kommune skal ha i selskapet framover. Endringane i eigarskap, struktur og funksjon kan få betydning for både den strategiske og den praktiske verdien av kommunen sitt vidare engasjement.

Det bør difor drøftast kva mål Alver kommune har med eigarskapen i Bergen Havn AS, og om desse måla framleis kan oppnåast innanfor dei rammene som no er i ferd med å bli etablerte.

I denne vurderinga vil det vere relevant å sjå på mellom anna:

- kva innverknad Alver kommune kan vente å ha som eigar framover
- kva verdi eigarskapen har for kommunen